



Broj: 12-27-8137-1/18
Zenica, 21.05.2018. godine

Ministarstvo za prostorno uređenje, promet i komunikacije i zaštitu okoline Zeničko-dobojskog kantona, na osnovu člana 24. Zakona o cestovnom prijevozu Federacije Bosne i Hercegovine („Službene novine Federacije BiH“, broj 28/06 i 2/10), člana 5. Pravilnika o načinu, kriterijima i postupku usklađivanja, ovjeri i registraciji redova vožnje, te sadržaju i načinu vođenja registra („Službene novine Federacije BiH“, broj 79/13, 91/14, 98/14 i 84/15) i rješenja ministra Ministarstva za prostorno uređenje, promet i komunikacije i zaštitu okoline Zeničko-dobojskog kantona, broj: 12-27-8137/18 od 16.05.2018. godine,

OBAVJEŠTAVA

I JAVNO POZIVA ZAINTERESOVANE PRIJEVOZNIKE

Obavještavaju se zainteresirani prijevoznici da je rješenjem ministra Ministarstva za prostorno uređenje, promet i komunikacije i zaštitu okoline Zeničko-dobojskog kantona, broj: 12-27-8137/18 od 16.05.2018. godine, pokrenut postupak usklađivanja i registracije redova vožnje za linijski prijevoz putnika na kantonalnim autobusnim linijama na području Zeničko-dobojskog kantona za period 2018-2021. godina. Zainteresirani prijevoznici koji imaju registrovane redove vožnje za kantonalne autobusne linije i žele iste održavati u narednom registracionom periodu, kao i prijevoznici koji žele predložiti red ili redove vožnje za postupak usklađivanja kantonalnih autobusnih redova vožnje, pozivaju se da podnesu zahtjev za usklađivanje redova vožnje.

Uz zahtjev za usklađivanje redova vožnje, prijevoznik je obavezan dostaviti:

1. Red vožnje kojim učestvuje na postupku usklađivanja i to:
 - u pisanom obliku (po dva primjerka), potpisano i ovjereno od strane svih prijevoznika upisanih na red vožnje i
 - u elektronskom obliku na računarskom programu za obradu tabela, excel-u, snimljenom na USB stiku.Uz svaki red vožnje dostaviti:
 - skicu itinerera linije za red vožnje kantonalne autobusne linije, prikazanog što je moguće detaljnije, jasnije i krupnije na stranici formata A4 - po dva primjerka.
2. Dokaze za učešće prijevoznika na postupku usklađivanja redova vožnje iz člana 11. Pravilnika o načinu, kriterijima i postupku usklađivanja, ovjeri i registraciji redova vožnje, te sadržaju i načinu vođenja registra („Službene novine Federacije BiH“, broj 79/13, 91/14, 98/14 i 84/15), od kojih svaki prijevoznik upisan na red vožnje obavezno dostavlja:
 - ovjerenu kopiju važeće licence “A” za obavljanje javnog linijskog prijevoza putnika ili potvrdu nadležnog kantonalnog organa koji izdaje licence;
 - potvrde ili uvjerenja da ispunjava obaveze u pogledu plaćanja javnih prihoda (indirektni i direktni porezi i doprinosi za radnike) izdate od strane nadležne poreske uprave ili potpisan Sporazum o plaćanju pristiglih obaveza na rate i Potvrdu da isti redovno izmiruje. Datum do kog su izmireni javni prihodi ili izmirena obaveza iz sklopljenog Sporazuma ne može biti stariji od 90 dana u odnosu na dan objave ovog poziva u “Službenim novinama Federacije BiH”. Na potvrdama ili uvjerenjima obavezno mora biti navedeno da se izdaju u svrhu sudjelovanja na javnom postupku usklađivanja redova vožnje ;
 - Rješenje o upisu poslovnog subjekta u sudski registar sa spiskom registrovanih djelatnosti, koje ne može biti starije od 30 dana od dana objave ovog poziva u “Službenim novinama Federacije BiH”;
 - Uvjerenje o poreskoj registraciji (ID broj) i uvjerenje o registraciji obveznika poreza na dodatnu vrijednost (PDV broj);
 - Spisak uposlenih vozača ovjeren od strane Federalnog zavoda za penzijsko i invalidsko osiguranje, ne stariji od 30 dana od dana objave ovog poziva u “Službenim novinama Federacije BiH”;
 - ovjerenu kopiju važećeg rješenja o ispunjavanju tehničko-eksploatacionih uslova za sve autobuse koje posjeduju u vlasništvu;

- ovjerenu kopiju važećeg zaključenog ugovora o osiguranju putnika od posljedica nesretnog slučaja ili potvrdu osiguravajuće kuće da je taj ugovor zaključen ili ovjerenu kopiju zaključene police osiguranja za pojedinačno vozilo - autobus;
 - dokaz o uplati za troškove postupka usklađivanja, ovjeren od strane banke i priložen uz svaki red vožnje, iz kojeg je vidljiva uplata za svaki polazak, odnosno povratak. Ukoliko ima više redova vožnje, prijevoznik može jednom uplatnicom uplatiti za sve polaske i povratke, s tim da na posebnom listu napravi i ovjeri spisak svih polazaka i povrataka na koje se uplata odnosi. Visina i način uplate mora biti u skladu sa rješenjem ministra Ministarstva za prostorno uređenje, promet i komunikacije i zaštitu okoline Zeničko-dobojskog kantona, broj: 12-27-8137/18 od 16.05.2018. godine. Predmetno rješenje će biti sastavni dio materijala za usklađivanje;
 - za redove vožnje koji će se održavati u kooperaciji prijevoznik je dužan dostaviti Ugovor o kooperaciji koji, pored drugih elemenata ugovora, obavezno sadrži sljedeće elemente: režim zajedničkog održavanja linije od strane kooperanata, spisak polazaka i povrataka koje održava pojedini prijevoznik i u kojem periodu, način sticanja i raspodjele dobiti između kooperanata, način formiranja cijene prijevoza i druge elemente. Ugovor mora biti potpisan i ovjeren od strane svih kooperanata koji su upisani na red vožnje i od organa nadležnog za ovjeru dokumenata i smatra se sastavnim dijelom predmetnog reda vožnje. Uplata naknade za usklađivanje kooperantskog reda vožnje vrši se na gore navedeni način, a može je izvršiti jedan od prijevoznika ili solidarno više prijevoznika;
 - Spisak registrovanih redova vožnje (Prilog 4 Pravilnika) ovjeren kod nadležnog organa za ovjeru dokumenata.
3. Prijedlozi redova vožnje koji se dostavljaju na postupak usklađivanja redova vožnje moraju biti urađeni na propisanim obrascima i u skladu sa odredbama Pravilnika o načinu, kriterijima i postupku usklađivanja, ovjeri i registraciji redova vožnje, te sadržaju i načinu vođenja registra („Službene novine Federacije BiH“, broj 79/13, 91/14, 98/14 i 84/15), te usaglašeni sa Pravilnikom o načinu, kriterijima i postupku za određivanje daljinara i minimalnih vremena vožnje („Službene novine Federacije BiH“, broj 65/07, 33/11, 57/12, 65/12, 88/13, 91/14, 23/15 i 32/18) - Dio daljinara i minimalnih vremena vožnje za autobusne linije u Federaciji Bosne i Hercegovine (područje Zeničko-dobojskog kantona). Dio daljinara i minimalnih vremena vožnje za autobusne linije u Federaciji Bosne i Hercegovine (područje Zeničko-dobojskog kantona) prijevoznici mogu preuzeti sa službene web stranice www.zdk.ba, a isti će se nalaziti i u pripremljenim materijalima za usklađivanje redova vožnje.
 4. Dokazi za učestvovanje na postupku usklađivanja predaju se za svakog prijevoznika koji je upisan na red vožnje, osim u slučaju da kooperant ima poseban zahtjev sa propisanom dokumentacijom.
 5. Materijali za usklađivanje redova vožnje mogu se preuzeti u elektronskom obliku sa službene web stranice www.zdk.ba.
 6. Zahtjev sa redovima vožnje i dokumentacijom za postupak usklađivanja se dostavlja u zatvorenoj i zapečaćenoj koverti na kojoj je obavezno naznačeno: „POSTUPAK USKLAĐIVANJA - otvara Komisija“, lično na Protokol Zeničko-dobojskog kantona ili putem pošte na adresu:
Ministarstvo za prostorno uređenje, promet i komunikacije
i zaštitu okoline Zeničko-dobojskog kantona, Kučukovići broj 2, 72000 Zenica
 7. Krajnji rok za dostavljanje zahtjeva za usklađivanje redova vožnje sa navedenom i propisanom dokumentacijom je 10.07.2018. godine.
 8. Nepotpuni i neblagovremeni zahtjevi neće biti razmatrani i neće biti uvršteni u postupak usklađivanja redova vožnje.

Prijevoznici takođe mogu dobiti sve potrebne informacije u Ministarstvu za prostorno uređenje, promet i komunikacije i zaštitu okoline ili na telefon (032) 460 711 i 061/166 303.



MINISTAR
Fahrudin Brkić
Fahrudin Brkić